

張文獻公集卷之十一

序文銘

陪王司馬宴王少府東閣序



夫道行與廢命也非謀之不臧命通與塞時也豈力之爲弊古之君子推其分養其和仲尼得之以絃歌傳說因之以版築至若詩有怨刺之作騷有愁思之文求之微言匪云大雅玉六官志其大者司馬公引而申之謫居何心不欲賈生之投弔窮悲非我安用虞卿之著書嘗以風月在懷江山爲事簿領何廢形勝不辜既好樂而無荒亦上同而不入迨乎考層閣

憑華軒川澤清明上懸秋景岑頭迴合下帶溪流聯  
華樹而心搖際煙氛而目盡茲邦枕倚是日登臨豈  
子虛之過詫誠仲宣之信羨物色起殊鄉之感誰則  
無情而道術得異人之資吾方有遣於是旨酒時獻  
清談間發歌滄浪以放言詠蟋蟀而傷儉蓋古人之  
作者豈異於斯盍賦詩以揚其美

益州長史叔置酒宴別序

天子建五長守四方內以承衛京師外以攘却夷狄  
則有持其節制未十年而歷踐撫其封疆旣一行而  
寧輯盡在我叔父備聞于朝廷昔者吉甫是欽仲著

孝交之德楚子所畏趙在諸侯之選世有寶績今以  
美濟俾我張氏穆彼士林以媚弄一人以正于四國  
豈非德能光大謀必變通思古人之獲心施君子之  
不器所以前拜小司馬兼擁旄於五涼再命左常侍  
仍摠戎於三蜀執模素遠綽有先路之風警車服載  
馳光被上軍之禮命莫不文茵暢轂淑旂絳車車嘽  
皇皇逸將出於華陽威已疊乎夜郎是時也四序鱗  
次屆當春夏之交千里草長有懷原隰之桂乃關軒  
宇邀賓寮自髦士而及同姓由金華而下建纒或交  
以道合豈徒隸好之風或情以族親於朝宗盟之義

龜江交映有數峯而巖成文發中堂之絃管志  
在擊節成四座之衣冠必名義而爲言雖聚散而何  
有酒酣相顧歌乃作白日西下恤壯士之翻車青  
山南爲愛忠臣之叱馭九我明懿賦詩餞行

景龍觀山亭集送密縣高贊府序

景龍東山初主第一也始其置金榜築鳳臺窮土木  
之功極巖巒之勢議與盤石同體造化較力何其壯  
哉自吾君茅茨不剪采椽不斲既却華而務實將設  
教以垂範以故平陽化鳥羅歌舞於其地麻姑見者  
變桑田於此時所謂長女之宮巖爲列仙之館其後

嘗有好事以爲勝遊今日芳辰携手接袂往往而在  
祇取樂焉高十官雌伏都畿星言至止聞殊庭之可  
尚召嘉客以相歡徒觀其匠幽竒宅爽塏十里九版  
豈惟梁氏之作千巖萬壑宛是吳中之事青林脩聳  
而垂綵綠蘿蒙籠以結陰清流若鏡下照金沙之底  
雜花如錦傍綠石齒之崖則可以藻飾形神揮斥氛  
滓相顧風塵之表無負雲霄之槩既而東主西賓酒  
酣樂闋聚必有散匪伊麋鹿之群往而不返固亦山  
林之弊高公乃振衣而起舉盃有屬却計送人出長  
安之東道退思征馬向洛陽之南陌雖暫勞於州縣

迫於簿領方欲厭於承明資其騫躍夫如是相知意  
氣何恨此離盍賦詩焉以贈行者

歲除陪王司馬登薛公道造臺序

故郡城有荒臺焉雖層宇落構而遺制依稀然邑老相  
傳斯則薛公道衡之所憇也薛公不容隋季出守海  
隅豈作臺榭以崇奢蓋因立陵而視遠必有清滌孤  
憤舒嘯佳辰寄文翰以相宣仰風流而未泯今司馬  
公英達好古清譽滿時迹有忤於貴臣道未行於明  
主以長沙下國同賈誼之謫居六安遠郡無担譚之  
不樂嘗以爲仁不異遠必敷政以愛人窮當益堅已

坦懷而樂地屬府庭開暇江浦清明南土陽和覺寒  
氛之向盡東郊候暖愛春色之先來於是命輕舸以  
乘流趣高臺而降望越荒塙披古道躋隱嶙而三休  
俯芊綿而四極其遠則煙連井墟指甌貉以南馳雲  
合山川拒荆吳而北走其近則深谿見底鱗介之所  
出沒喬林夾岸羽毛之所翱翔悠哉薛公無不寄也  
意神期之可接陟彼峻隅想風景之不殊剪爲葳蕤  
司馬公又以為峴山故事感羊祜以興言湘水遺風  
懷屈原而可作况登高能賦得無述焉某嘗小人受  
教君子雖義之會稽之士自與許詢而仲舉禮豫章

之人復招徐孺是日也群英在焉猥惟陋才忝陪下  
列祗命爲序請各言詩

開鑿大庾嶺路序

先天二載龍集癸丑我皇帝御宇之明年也理內  
外窮幽極遠日月普燭舟車運行無不求其所宜易  
其所弊者也初嶺東廢路人苦峻極行運黃緣數里  
重林之表飛梁礫岷千丈層崖之半顛躋用惕慚絕  
其元故以載則曾不容軌以運則負之以背而海  
諸國日以通商齒革羽毛之殷魚鹽蜃蛤之利上  
以備府庫之用下足以贍江淮之求而越人綿力

材夫負妻戴勞亦久矣不虞一朝而見恤者也不有  
聖政其何以臻茲乎開元四載冬十有一月俾使臣  
左拾遺內供奉張九齡飲冰載懷執藝是度緣磴道  
披灌叢相其山谷之宜葦其坂險之故歲已農隙人  
斯子來役匪逾時成者不日則已坦坦而方五軌關  
闡而走四通轉輸以之化勞高深爲之失險於是乎  
鑿耳貫胸之類殊琛絕膏之人有宿有息如京如坻  
寧與夫越裳白雉之時尉佗翠鳥之獻語重九譯數  
上千雙若斯而已哉凡趣徒役者聚而議曰慮始者  
功百而變常樂成者利十而易業一隅何幸二者盡

就况啓而未通通而未有斯事而成盛比日我國家玄澤  
寢遠絕垠胥洎古所不載寧可默而無述也盍刊石  
立紀以貽來裔是以追之琢之樹之不朽

### 錢宋司馬序

宋司馬才通命塞雲翼泥蟠蔡邕朔方不廢琴書之  
業賈誼宣室欲言鬼神之事既而出宿南浦及鴻鴈  
以同歸追餞北梁對丘山而不樂是日渚雲欲霽林  
鳥將春惜時物之方華重人情之自遠群公有感中  
座無歡他日清風自當玄度之夕茲展零雨得無于  
荆之詠遂相與援翰賦詩贈行

### 送幽州王長史赴軍序

漁陽我之巨鎮也慎憚軍佐敷求國良以王公能有  
命汝徃底其耕戰之事介于將吏之間則已聲籍天  
庭氣雄遼碣鷹揚有日馬首欲東自名卿大夫與時  
髦懿士莫不激其節而重其邁結軫連袂携壺抱琴  
留飲極於郊岐望美延於朔裔者不可勝數仲月暄  
矣陽時貴若植物之發芳香行人之感意氣不日群  
萃豈懷安於鹿豕不日垂堂已載馳於原隰孰不知  
西笑之美况伊歲華東征之勤兼彼戎旅蓋樂不遑  
舍君人之所難義不顧私志士之爲用今之作者聞

而休之各賦詩一章以志其善也

韋司馬別業集序

杜城南曲斯近郊之美者也背原面川前峙太一清渠脩竹左並宜春山靄下連谿氣中絕此皆卽公之有也余固已聞之開元歲夏四月猥忝散職居多放情踐彼一行無忘於夙尚時其七召果獲於前期廼與起居舍人蔡公萬年主簿韓公惠而得朋欣然命駕韋公方挾席見待羞以藥物之滋倚琴相歡雜以嘯歌之韻清言移景閑步周林翻飛自情俯仰爲得斯亦吾儕之樂事幸可而同也扶陽餘慶磻溪古迹

留梓漆器用天成庭斬芝蘭馨香世襲斯乃常氏之懿業是所爲異焉而常公尚其同之樂亡其累之貴均林棲於服冕齊品食於榮枯彼未可量吾見其大迹繼前軌將爲龍以爲光道包遠圖豈一丘而一壑二三君子相與志之云

別韋侍御使蜀序

予之友曰常侯始以才進中而遇坎自廷尉評爲益州刺史行秩美也玉映而山輝善無小也鶴鳴而天聽俄自輔官假其察視奮飛泥蟠皇華原隰爲持斧之吏受員考之權稱其明義清節高邁卓絕時輩所

美朝義雅多亦焉得利其往蹇其廢滯而今而後予有以見舉德之輜爲神之介雖本於利而終享其實者有矣夫火才暑徂使車云邁心同道合旨酒有饑或席次林援或觴臨郊岐風濺相從日夕以繼者於若人如此其厚也食以爲無欲而自致常子之謂道有善而不揚友朋之爲過然則今之所至莫近於詩盍賦一章以美吾友故有斯作也

### 獅子贊序

夫德之所感者深物之所懷者遠中國有聖占候而自來四夷不王征伐而難致故絕域有來貢沒與諸伏

亦不入苞茅舉大凡不在遐邇亦有至自南海  
繇西極獻其方以而獅子存焉爾雅所謂後視如  
猶食虎豹今之所見信然絕猛者也其天骨雄詭材  
力倖異得金精之剛爲毛群之特化立不動已九牛  
相去耽視且瞋則百獸皆伏所以肉視犀象孩撫熊  
羆其餘鎖細不置牙齒我天子示柔遠之義國無不  
處有服猛之反物無難制故其受羈絏伏閑皂時馴  
而無用鈇莫可當然吾君所存義不謂此蓋蠻夷君  
長歲時貢獻或時獻絕書實於內府或異獸奇禽撥  
於外國皆其覲禮若中國之贄幣所不辭讓明異方



一言安此則非有利知之心充耳目之翫好以爲  
柔之道示天地之含容不其然歟固無德而稱也  
其大大豈勞召公之訓美同赤豹何關韓侯之詩  
我特臣爲之贊曰

### 鷹鵠圖贊序

鳥之鸞者曰鷹曰鵠鷹也名揚於尚父義見於詩  
也迹隱於古人史闕其載豈昔之多識物亦有遺  
今而嘉生材無不出爲所呼之變與所記之不同者  
耶然於羽族之中絕有豪傑之表氣感剛悍體佶  
於極視之間熈如也夫受以勁翮志不羸

贊義在鮮食生有自然之權用無可抑之勢古之言  
武士法吏齊名比義者以其嚴若郅都飛若李廣委  
質於所事報功於所養不憚摧翼以虧勇不立棄枝  
以屈節是鳥也向之擬議不亦宜乎夫鸞與鳳將感  
於仁所不及也鷄與鶴猶較其德彼何有焉况其餘  
雖飛雖鳴凡者惟者肉非登俎才非下韉威力不敵  
群噪無益然後知二禽之爲用衆鳥之絕倫者也故  
君子達其然工人圖其狀以象武備以彰才美雖未  
極其天姿有以見其風骨矣昔支遁道林苻養名馬  
自云重其神駿斯圖也非彼人之徒歟乃作贊曰

侍中兼吏部尚書裴公畫贊并序

元明有作大賢將其命良弼有二侍中是其一所從  
龍武實感風雲我之裴公道與上合義深體國策在  
忠主亦既致於堯舜不惟比於管樂至於執人柄振  
天綱丹青帝圖金玉王度維古之作合謂之有闡未  
始聞也夫事可法道可度威可愛儀可象赫喧中來  
精英外發故工繪其事所以見盛德之形容士頌其  
功所以知和氣之導遠五事曰貌一以作恭七聲成  
文六乃為頌俾凡今之人也色斯而覩與聽之而知  
水有方折辯印氏之價焉山為其瞻表師尹之重

馬贊曰

赫喧人望時為國紀偉量川渟高標嶽峙磊落成洋  
精明入理倬哉輔臣式是多士丹青炳發儼如至止

宋使君寫其圖贊并序

夫形者神明之表而動用之應也察心等至則珠玉  
鑿蘊光輝必兆於山泉而眉睫可知賢達亦徵於骨  
象如宋公之天姿森挺人望儼然一覩清陽不俟深  
鑿是猶鷄群見鶴象齒如牛居然有差此其殊特者  
也聲聞如彼風俗又爾寧有陳平之美更虞子羽之  
失即雖妄庸之自素非知公之者偶見斯狀亦已明

其瑰異焉初公舉茂才歷長安尉三為御史再入尚書郎色莊以立朝則百僚所憚言揚於伏奏則三臺為表而竟以出守俄復從邊其故何哉由抗直之為患也然公處屯而必行其道居陋而不改其度能貞其節可謂君子哉才為國而生命有時而泰彼宋公脩志以俟也其可立而湏焉時有族兄曰之望者亦賈生之請居有顧君之畫絕偉公之貌作為是圖意得神傳筆精形似因命僕為贊其美云

宋公卓犖體標山嶽匪石不移如玉斯琢被服忠信規模禮樂望之儼然允謂高邈

惠莊太子哀冊文并序

繼照元二十年歲次甲子十二月丁巳朔二十四日庚辰司徒申王薨于行在所冊謚惠莊太子旋殯于寢奧閏十二月二十七日將陪葬于橋林之相城蔽幕霄布羽纛宿設西序啓攢南首成列皇帝深天倫之戚崇后儲之禮擬容衛于青宮申孔懷于朱紉爰命史氏稽於今則無俾直書不彰遺德詞臣曰昊天有命先后受之分王子為蕃衛索師克荷成憲罔弗肅祗懿哉明哲誕惟神粹宣慈日聞孝友天至道則昭合迹無自異性則生知學兼時習為微嘗遠

詩言禮立德必有鄰善如不及貴而能謙損量國難把  
方伯出鎮召南取斯司徒入掌鄭武其宣義之所在  
政乃克施物留遺愛事著成規西夏息人東征叶卜  
詳詳同輦皇皇改服疾遶中路凶傳左執弔寧不愆道  
奄鍾斯酷嗚呼哀哉昔在冲妙具惟兄弟第四國並封  
五王均體遊必連騎居則同邸各承愛於舍飴俱受  
經於置醴既荏苒而云邁屬殷憂之將啓宜定禍於  
蕭牆遂繼明於雲陛雖隔深宮之衛常洽家人之禮  
曷殂謝以痛心感平生而流涕嗚呼哀哉爰以擇茂典  
追崇上嗣表先聖之元良申友于之褒異紛以鹵薄以

徒設儼文物而空備彼神儀之如在乃群悲之所萃  
周禮從祔漢塗是陪先遠日而選吉會同盟以送哀  
夜漏盡兮暗室啓庭燎殘兮曉挽催按三校而徐進  
將一去而不迴嗚呼哀哉皆朱門兮遲遲馳白驥兮  
嘶野蒼茫而助慘風蕭颯而增悲翩翩兮素蓋寂  
寂兮畫帷遵舊途而何有覽陳迹以如疑面都邑兮  
不入侍陵寢兮有期惟光儀之未闕與昭代而長辭  
嗚呼哀哉潛清暉於幽室召鴻名於夷迹將在皇儲  
之史豈伊諸侯之策播遺芳於蘭桂傳不朽於金石  
諒既言之在茲嘉德音之無斁嗚呼哀哉

祭舜廟

維某月朔日中散大夫使持節都督桂州諸軍事守  
桂州刺史兼當管經畧使嶺南道按察使攝御史中  
丞借紫金魚袋上柱國始興郡開國男張某敢昭告  
于大舜之靈惟神以大孝而崇德以大聖而奮庸以  
至公而有天下以至均而一海內故不以荒服之外  
不以黃屋之尊巡狩而來殂落於此勤倦之造未結  
於黎庶惠懷之尊長存於壽宮載祀雖遐威靈如在  
今聖朝紹興至道愍茲遠人爰遣使臣按理邊俗惟  
神幽鑒願表微誠若私僻爲謀公忠有替明鑒是

俾無遺圖如悉心在公惟力是視當福而不福爲善  
者懼矣今至止之日輒詣陳誠伏惟神道聰明亮斯  
欽到願俯垂冥祐俾輸力明時尚饗

爲吏部侍郎祭故人文

維開元十年歲次壬子二月癸酉朔十七日巳丑吏  
部侍郎某謹以清酌脯醢之奠敬祭故某公之靈聞  
夫仁必壽考所謂神道善亦慶延以爲信然今夫子  
之不福而聖謚之是愆孝友純固禮讓周旋行所以  
且業所以專誠公才而天假故官政以日宣節使是  
式朝宿既至十部稱賢一人思媚鳳凰于彼雲霄以

異胡然明靈殲我良懿嗚呼哀哉夫子之逝平生之  
懷襟抱素合遊屐嘗偕清風對禁文石同儕自茲兩  
掖殆將一紀展轉清貫化離君子曷其愛而甫云觀  
止正司空之掃第屬荊州之罷市歎交臂而相失殷  
痛心其何已今卜兆有日祖載在庭庭然象設冥爾音  
形駢白馬而何見瞻素車之已扃德音不忘應井棠  
之勿剪交情乃見伊黍稷之非馨嗚呼哀哉尚饗

祭故李常侍文

維年月朔日中散大夫洪州都督張某謹遣舍曹參  
軍李某以脯醢之奠祭于故天國公之靈惟公世載

賢傑天資忠厚外珪組而錐筆內冰鏡而無垢善常  
不伐明能自晦省中之樹訪猶不言車前之馬數而  
後對淑慎自己否亨有時就能違命公此來思結忠  
主之戀深去國之悲六疾斯起五福云斯生涯溘盡  
精魂何之嗚呼哀哉追惟曩昔昇降雲霄榮華侍從  
曄曄光昭日歟月歟有榮有凋丹旌子牙白驥蕭蕭  
同官之感俾余魂銷靈之來歸茲焉旅次瞻望無覩  
悲辛自至頃密爾而寄音今冥然而結歎南北于遠  
幽明求異何以叙情寄之英饋尚饗

祭洪州城隍神文

維開元十五年歲次丁卯六月朔壬寅十日辛亥中  
散大夫持節都督洪州諸軍事洪州刺史上柱國始  
興郡開國男張某謹以清酌脯醢之奠祭于城隍神  
之靈恭惟明神懿皆潛德城池是保民庶是依精靈  
以秉正直攸好忝牧此郡敢忘在公道雖隔於幽明  
事或同於表裏今水潦所降亦惟其時而淫雨不止  
恐害嘉穀穀者人之所以爲命人者神之所以爲祀  
祀可不以爲利義不可以不福闔境山川能致雲雨  
豈無節制願達精誠以時弭災無或失稔則理人有  
助是所望於神明尚饗

爲王司馬祭妻父文

維年月朔日謹具少牢清酌之奠祭于某公府君之  
靈惟公聯華公族振景天朝昔也時來則地分茅土  
今也福過則海變桑田豈惟魑魅之憂方爲螻蟻之  
患嗚呼哀哉始更榮盛早睦嘉姻謬入却公之選常  
荷戴侯之遇情契闊而彌積義流離而益固公之謫  
宦某又犯時來矣去國貴然來思雖窮途之至此幸  
鄰境之在茲所忌者法豈忘於私聞折聲而密邇畏  
簡書而間之然猶風煙可異翰墨無輟心已運於虛  
舟迹尚濡於涸轍驟寒暑之徂謝紛吉凶之迴冗京

北之使忽追廣陵之音遽絕嗚呼哀哉平生多感自傷千里之心已矣長辭徒發九泉之歎計疇昔之光寵痛淪亡於旅窟嘗許恤人之孤况霑愛予之半謹因遣奠昭告明靈心不可卷德以爲馨匪羞是薦惟魂是聽遣行人於信宿空泣目於郊垆嗚呼哀哉尚饗

爲王司馬祭甄都督文

維開元五年歲次丁巳九月丁酉十四日庚戌官某謹以清酌之奠祭于廣州都督甄公之靈惟公稟氣異人爲國良臣資忠秉義奮翼躍鱗富貴自取聲名益

震故能北擁旄於玄朔南仗節於朱垠行部無幾卧理斯屬棠陰在聽薤歌成曲下流是仰長塗友促如望雨而隨車遽驚風而轉燭嗚呼哀哉甫茲歲首彤襜載輝今也秋季丹旄言歸既寒來而暑往將物改而人非駟馬不馭雙鴈空飛對平生之氣象詠宿昔之音徽燕越兮地耿胡山兮路微奠肴觴之在席感徒御以霑衣嗚呼哀哉尚饗

祭張燕公文

維年月朔日族子秘書少監集賢院學士某謹以清酌少牢之奠敢昭告于燕國公之靈惟公應有期之



運降不世之英坦高軌以明道謹大節而立誠懸鏡  
待人虛舟濟物妙用無數精心惟一明未朕而先親  
聽有餘而每黜猶豹變而成文嘗鳳鳴而中律故能  
羽翼聖后丹青元化陳臯陶之暮謀盡仲山之夙夜  
道因慮於文武業惟求於王霸綢繆恩沃荏苒代謝  
國重元輔門承下嫁實大我之宗盟與人君之姻婭  
天蓋福善地益華宗嚇嚇爲尹巖巖比崇不享黃髮  
如何玄穹既道長而運短豈祥降而惠終人亡令則  
國失良相學墮司南文殞宗匠惟國華之見奪何天  
道之弗諒迨惟小子夙荷深期一顧增價二紀及茲

非鴛鴦之足數蓋枝葉以見貽洎剖符於外臺承檄  
琴於舊館屢行號而身贖空匍匐而心斷跡既拘於  
尋憲情未展於哀款朝章猥及傳名斯入想德輝而  
不見望仁里而徒泣樹所歎而猶存人具澹而求戰  
盡總帳之今感哀鳥衣之往集庶羞雖薄與享厥誠  
尊靈斯降是嘉平生已矣萬古纏綿五情追悲緒於  
離筵結巨恨於幽明伏惟尚饗

追贈祭文

開元二十年歲次乙亥孤子某謹遣弟等謹以醢脯  
庶饁之奠敢昭告于先考先妣之靈積罪昊天天實

降罰嚴蔭永隔慈顏重違欲報劬勞終天何及夙承  
教誨幸而有成崇國寵靈猥當大任皇上義存延賞  
追贈所及朝恩優沃跪承推感伏惟昭亮享茲殊錫  
今謹具贈大常卿廣州都督告身桂陽郡太夫人告  
身及玉帶金章紫衣各一副伏惟尚饗

給事中魏山公蘇訖題而銘曰

石歲嵬兮山崖崖嶽峯崇寧兮相敵虧樓岬兮莽  
芊芊噫茲路兮不記年大聖作兮萬物覩惠吾人兮  
道復古役斯來兮力其成石既攻兮山可平懷荒服  
兮走上京遷商兮重九譯車屯軌兮馬齋跡招孔翠

兮徠茲草伊使臣之光兮將來來而無斁

畫天尊像銘并序

畫天尊像者贈吏部侍郎武功蘇公太夫人崔氏爲  
公卒哭之所作也蘇公有重名於時奉太后用而卒遭  
命不遂當代所悲况作嬪于公鞠凶在疚接詩以誓  
其節執禮而哭於書哀而能感感而能通極希微而  
不見中恍惚其如有於是欲介景福將祈太清因心  
寓象命工設色飾金闕圖玉皇元天不遠真官在列  
飄若靈氣爛其神光彼昭朕誠允速其應斯所謂玄  
鑒無昧當受謁帝之符幽魂有憑必署昇仙之錄此

固崔氏之至願也有足悲者豈不猗歟曰  
至哉天京災劫不及上有靈府聖真所集彼美孟姜  
聞斯洞彰仙道貴度我君則亡猗歟我君蔚為人傑  
命屈金鉉神傳玉訣遊魂大素介福上清式圖元象  
未觀厥成

故開府儀同三司行尚書左丞相燕國公贈太  
師張公墓誌銘并序

大唐有天下一百一十三年開元十有八載龍集庚  
午冬十二月戊申開府儀同三司行尚書左丞相燕  
國公薨于位享年六十四嗚呼哀哉皇帝悼馬素服

舉哀廢朝三日乃下制贈太師蓋師傅之舊恩禮之  
加也詔葬先遠喪事有日又特賜御詞表章琬琰公  
義有忘身之勇忠爲社稷之衛文武可憲之政公侯  
作扞之勳皆已昭昭於天文雖與日月爭光可矣  
公諱說范陽方城人晉司空杜武公之裔孫周通之  
館學士諱弋府君之曾孫廣州都督諱恪府君之孫  
贈丹州刺史刑部尚書諱隲府君之季子自上世積  
慶及公而粹發神明所存道德爲樞生以寧濟幼而  
林祥鷹揚虎視英偉磊落越在諸生之中已有絕  
雷之望美初天后稱朝舉郡國賢良公時大知名拔

乎其萃者也起家太子校書迄于左丞相官政四十  
有一而人臣之位極矣尚書國之理本公悉更之中  
書朝之樞密公亟掌之休聲與階升降數四守正而  
見逐者一過坎而左遷者二其餘摠戎于外爲國作  
藩所平除者惟幽并秉節鉞而已至若三登左右三  
三作中書令唐興已來朝佐天比蓋聖賢之運有會  
師臣之道欲行人雖求多我每餘地馨香之發敷聞  
自久宜其翊戴聖后師範百寮功烈過於如神德亦  
出于咸一此固與版築崛起屠釣作合之類亦大異  
也公心玄遠而性高亮未嘗自異會節乃有立何所

不可體道以爲宗既定國於一言亦保身之雅其於  
經理世務雜以軍國決事如流應物如響紛綸輻輳  
共猶指掌及夫先聖徵旨稽古未傳缺文必補墜禮  
咸甄與經籍爲筮簪於朝廷爲粉澤固不可詳而載  
也始公之從事實以懿文而風雅陵夷已數百年矣  
時多吏議擯落文人庸引雕蟲沮我勝氣立明有耻  
子雲不爲乃未知宗匠所作玉霸盡在及公大用激  
昂後策天將以公爲木鐸矣斯文豈喪而今也則亡  
嗚呼堯生以輔時而臣道不究致用以利物而人將  
安仰上撫床以念往下輟相而哀至復見之於公爲

太常議行謚曰文貞二十年秋八月甲申遷窆於萬安山之陽燕國夫人元氏附焉夫人故尚書右丞相武陵公懷慎之女也動爲軌範皆可師訓及公之貴遜如帝室雖處榮盛若非在己內執讓下外睦親疎古之賢明未始兼有開元十九年三月壬戌薨于東都康俗里第享年六十四長子均中書舍人次曰均駙馬都尉衛尉卿季曰徽符寶郎泣血在疾皆我之有後也嗚呼玄堂永闕何事春秋幽篆斯在亦云不朽而已銘曰

天有睿命滋波百寶時無大賢誰與明道我公允叶我德孔昭翰飛戾天羽儀清朝功遂身謝名由實美言而克立古無不死南山之下詔葬于茲後之與歸誰我太師

故特進贈兗州都督駙馬都尉觀國公楊公墓誌銘并序

公諱某字某弘農華陰人也其先食采於楊國邑爲氏始大於兩漢更盛於周隋司空觀德王戎之高祖也台階論道盟府書勳建維城澤流後嗣泊右衛將軍贈兵部尚書府君諱某累葉炳靈六轡承祀而皆千里一舉逸翰所推五侯同拜貴戚莫比公即尚

書之子也誕保中和克紹前烈幼以美秀兼大收之  
文長而嘉聞增季友之業孝弟忠信蘊乎生知禮  
詩書成於時習弱冠以門子調補晉州叅軍中宗之  
在春官也妙簡才地將降天孫兼之實難而公惟  
以選尚長寧郡主加朝散大夫拜通事舍人累遷  
衛郎將神龍元祀中興在運預聞大策克樹休勲而  
貴主宜家既增湯沐列侯傳國復錫山川至是始  
觀國公拜駙馬都尉左千牛衛將軍加上柱國累遷  
秘書監兼太子賓客增金紫光祿大夫又特進散騎  
常侍右千牛將軍陝王傅坐事左出巴州刺史以爲

光祿卿復出爲毫襄陳鄧四州刺史左轉郵亮許絳  
四州別駕公性明敏有器韻不求虛譽而百行允脩  
不矜小善而九能咸至至於入官從政東文西武才  
既兩可事亦百中且不恃貴以傷義不怙寵而廢公  
奉以周旋加以撫謙雖在降出無他悔吝此亦公之  
善自爲謀以道終始者也開元十二年癸卯遷於  
絳郡之會春秋五十天子悼焉有制贈持節都督  
兗州諸軍事兗州刺史仍遣使弔問令返葬京師奉  
禮有加哀榮異數其年秋九月甲申葬于北原其孤  
曰某等兢兢在疚願圖遺烈後之人亦知范宣之世

祿豈獨減孫之立言銘曰

巖巖太華作鎮西土祚我諸楊降生厥祖四代而立  
爲漢元輔爰及胤裔克復先古猗嗟觀公不忝前人  
荷元休寵爲國嘉姻王孫作儷帝子克嬪瓊敷玉潤  
輝映紛紛乃登王朝乃尊爵秩祿盈萬鍾賦食千室  
亦允畏滿不以戒逸物更盛衰時有得失稟命不融  
斯人則亡天歸京兆地返連南叶嗟此室徽音不忘  
故太僕卿上柱國華容縣男王府君墓誌

公諱某瑯琊臨沂人蓋王氏所由遠矣然其自漢至  
今上下千載海沂爲頌始壯厥猷淮水作楨克昌其  
後雖跡台衮聯華牧伯君子題其立言史官褒其行  
事則已世無遺德人以嘉聞圖謀粲然宜爲冠族迺  
祖某梁侍中尚書左右僕射安東亭侯高祖某陳度  
支尚書會祖某太子中書舍人祖某皇朝吏部郎中  
贈潤州刺史父某官至洪州都督公或修範業雅有  
名器性開敏而達於從事才果斷而長於御下至於  
學以知古義以隨時虛已存誠離經合道異焉而不  
傷於物同焉而不害於政咸自得之務其大者儀鳳  
中初以門子選爲奉敬皇帝挽郎解中相王府參軍  
授豫王府參軍歷太子通事舍人蒲州司法參軍丁

洪州府君去職哀踰於戚行過於禮時其在疚哀能感鄰服闋後相州鄴縣令施於政也揮干鍤之鋒截無不斷衣驥馳之足行無不至以故言出有孚豈止於百里教行無類俄次於四封邑人是宜與頌乃作御史中丞張仁愿表公宅異帝用嘉焉遷洛州陸渾縣令加朝散大夫寵其能也再有仲由之善益聞考叔之恭薄理我畿有加於業識者觀政許其以後國詩章推多驗之於晚節稍遷蒲州司馬洛州長史蒲州長史三為郡佐一以貫之執心有恒厥聲以茂雖已祗之體素顧和之理識異代同官齊若比義國

無愧也俄遷隨州刺史趙簡始大列於諸侯張敞有名擢為刺史賢明獨斷政教弘宣始于漢東之美繼以巴中之異郡歷數四課嘗第一再領遂綿二州刺史先是俗多橫弊人盡流庸公亦來思撫之如子彼得攸暨歸之如市行有餘力用不盡才驟遷大都督乃拜相州刺史先是景雲歲我唐雖舊儀制維新置連率之官增監郡之秩於是歷遷列辟專謀用賢且有後命而公為稱首遂作越州都督同京官正三品連率統察杭婺衢睦溫撫台閩八州長史已下率由部按事雖竟寢議者終榮仍守越州都督加銀青光



祿大夫公素有盛名燕之寵數聞望而草風必偃至  
止而蓬麻自直與夫任賢生嘯勞心行部彼有因致  
此我無爲而已然政之行焉有若神者徵拜雍州司  
馬頃之又正名爲京兆少尹京兆者本公之樂土居  
已重世買臣遠郡無矜而出授張既本州是榮於衣  
繡公雖作貳我亦爲光開元二年始封華容縣男昭  
有德也其明年有制以公檢校太僕卿訓以六駟正  
于群僕日加數馬之慎歲有展軫之勤無何即真可  
謂貴矣然公思報所受逾勵所行神明未衰志業不  
寃春秋六十有一開元六年秋八月乙亥寢疾薨于

洛陽之陶化里第嗚呼哀哉朝廷傷焉賻贈以禮夫  
人范陽盧氏不享也老先時在殯其年冬十月乙酉  
合塋于偃師之某原却倚首陽前瞻洛水豈伊遐丘  
之樂蓋取邢山之兆有子曰吳次日旻泣血苦壞哀  
纏於遠日勒銘金石儀叶于言時假以斯文爲之實  
錄其詞曰

其一

有周之裔居海之沂緒業爲永德音罔遠貽厥謀猷  
俾其翰飛宜哉世祀亦曰家肥

其二

洎我華容而今濟美四科冉季九能曾史學匪為人  
義如在已施於有政繼之柔矣

其三

稚馴宰邑鷹揚佐郡五爲刺史在邦必訓再踐太僕  
厥庸迺奮今也則亡天不可問

其四

神欺永年禮先遠日合如防墓開彼膝室鶴弔人悲  
龜言地吉篆石泉戶與山相畢

故安南副都護畢公墓誌銘并序

公諱某字某東平人四世祖義雲北齊度支郎中青  
州刺史曾祖琰貞觀初并州白馬府右果毅都尉右  
衛郎將祖又蒲州河東令坐事左轉桂州歸義縣丞  
因家于始寧父誠舉孝廉高尚不仕公即孝廉府君  
之子稟靈純茂姿性開朗亦既志學休有令聞雖在  
諸生之中已有萬人之望矣夫其忠有世善有元仁  
於其親友于兄弟豈尚行所致其因心而然公之植  
身根萌素厚探本制末何適非宜故爲政之方所從  
來遠矣某年初有御史將命黜陟幽明公時盤桓居  
貞未有攸往而使者承式固才是求褐衣見召直繩  
斯委乃表公授梧州錄事參軍非其好也先是剽劫

在境行李所病網佐無幾逋盜肅然歲滿授廣州滇  
陽令事必簡舉人用穩便莫不咨嗟未始見也尋轉  
韶州司馬其政如初秩滿丁內憂公有志性幾於毀  
滅廬墓展哀泣血扶病有加一等不惟三年嶺南按  
察使廣州都督兼御史大夫蕭璿彼孝弟之士也以  
錫類之故有嘉德賞於是拔補按察判官義行相成  
終始如一尤加欽重特以表闡勅授新州刺史屬恩  
州酋帥日尋干戈將有式遏實資明允後按察使廣  
平郡宋璟以公爲五府總管以甲卒成焉雖臨之兵  
威而開以恩信俾念驚狴戾化梟爲人廣平公深以

爲能奏假恩州刺史俄又真授夷落大寧尋加朝散  
大夫遷端州刺史君必致理莫匪嘉績并護之寄朝  
選以歸於是加秩中散大夫拜安南副都護到官未  
幾閭忽遷殂時年六十某月日庚子歸葬于某山原  
公內行無玷外物不干文非務華學皆爲已所蒞數  
郡遺愛在人全已而歸可謂厚矣有子曰某銜血終天  
愴哀遠日未惟稱伐存乎幽篆銘曰

猗歎畢侯濬源長流受氏于畢爰自有周彼奕世載  
寔惟孫謀賢誓繼執斯其遠猷嗟彼懿宗是生孝友  
知實內積行非外誘家邦必聞人倫歸厚微此令德

夫豈善守亦既從政厥聞載榮邑能訟息郡用禮成  
蠻夷慕教鳩鶚變聲九真副嶺万里揚旌護彼絕域  
義忘險艱緹律未改丹旄而還存沒之際忠孝之間  
徽音無泯篆德茲山

故許州長史趙公墓誌銘并序

公諱某天水隴西人其先受賜于周所食者趙下逮  
襄子大爲諸侯貽于謀孫克用保國有功有伐無代  
無之曾祖某隋尚書左右僕射隹寧郡公祖某金紫光  
祿大夫殿中監贈工部尚書武強公父某符寶郎皆  
發聞馨香世祚蕃衍不高位者則人望焉公惇師舊

業允迪淵懿包君子大雅之量有古人獲心之賞脩  
詞以達其道則質文相平履行以顧其言則剛柔並  
克弱冠以門子調補湖州參軍轉相州司兵參軍學  
以入官凡不日也格言清論始誦今行屬太上皇尊  
德然其言爲吏公首其舉正曰爾諧於是引爲相  
州戶曹參軍轉法曹參軍及龍德既享鶴鳴有應  
而利見縻以好爵乃授朝散大夫雍州錄事參軍  
綱領諸曹罔有不率秩滿除洛州伊闕縣令事舉其  
中歎其薄惠小鎮大徇公戒私政之在人今而遺  
愛俄遷徐州司馬未幾轉陝州司馬許州長史千里

將聘六轡斯柔得之自心動而中節故其四秦州事  
再入府察一宰畿邑三爲郡佐莫不所居而績宣其  
用所去而頌因其跡豈伊苟然厥跡向矣開元八年  
春二月疾作革乙丑終于官舍春秋若干其年冬十  
有一月庚午歸葬夫人崔氏柩馬公自然澹泊不屑  
勢利守道貞固與命推遷故歷年多所移官數四不  
過參佐而已豈亦直道之云乎然而卑以自牧約而  
能濟推厚居薄內安其仁急病攘夷外多其義不曰  
君子其能爾乎有子曰令言次曰令則泣血加人抑  
情就禮哀想窳劣之事恭惟先君之德驗之所獲附

之斯文以傳無窮以慰罔極銘曰

倚嗟令德寬仁合道景行行之風流肆好名取公器  
善爲身寶志所以立政所以宣入官惟允蒞事其然  
是儀是式不忘不愆今也終古後之克祚子孫禋祀  
春秋霜露柔浩九泉斯焉永慕

故韶州司馬常府君墓誌銘并序

君諱某字某京兆杜陵人其先佐夏翼商賜命爲伯  
傳楚相漢繼世能賢休有成烈慶流于裔洎曾祖津  
仕隋至內史侍郎戶部尚書武德初拜黃門侍郎壽  
光男克濟美名以令舊德大父琨太子詹事武陽侯

能承休軌載揚厥聞列考展官止少府監主簿懿業  
無忝而大位不充天爵自高人倫斯貴公荷百代之  
丕構傳一經之素範簡白足以長人文敏足以敷政  
跡不由徑必期乎直學不爲辨每抑其華志尚則然  
風流自遠斯有萬里之望豈伊百夫之特始自崇文  
生明經止第起家汾州叅軍公以爲國無小而行無  
擇苟履忠信何陋蠻夷遂求補遠郡從所好焉於是  
授泉州司倉叅軍歷廣州都督府法曹叅軍輪困下  
蟠弗以屑意幹蠶用譽將以明道固已仁焉而不異於遠  
義焉而不辭其難潛亦孔昭允謂君子秩滿遷韶州

司馬在郡數載檢身一德輔化致理刑清訟息宜其  
奮庸上國寘乎公卿而天志南州終于叅佐悲夫享  
年五十有一某年月卒于官舍開元六年冬十二月  
庚午葬于少陵原有子曰某欲報罔極思傳不朽勒  
石泉尸式昭德音銘曰  
皇矣鼻祖時維大彭黻衣作伯彤弓用征猗那其後  
世濟其名雖公道屈亦樹德聲

右其一

休烈有素聿修無忝言炳身文禮克物檢行雖欲盡  
名不可掩學古入官盡取諸漸

右其二

參卿彼分從事窮海孰云其陋我惟義在何適非宜  
胡然有待天曷我欺人隨物改

右其三

張文獻公集卷之十一